

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI



Služba za upravu poljoprivrede,  
vodoprivrede i komunalnih poslova

Broj:02-14-

Datum:31.03.2020.

Na osnovu člana 39. Statuta Općine Zavidovići ("Sl. glasnik Općine Zavidovići", broj 5/08 i 5a/08), Naredbe Općinskog štaba civilne zaštite Zavidovići broj: 07-45-19-86/20 od 31.03.2020 godine, Programa utroška sredstava sa transfera za razvoj poljoprivrede, planiranog u budžetu Općine Zavidovići za 2020. godinu broj 08-24-784/2/20. od 18.02.2020. godine i Zaključka Općine Zavidovići broj 02-11-898/2/20 od 04.03.2020. godine o usvajanju Programa, Općinski načelnik Zavidovići objavljuje

## JAVNI POZIV

ZA DODJELU OPĆINSKIH PODSTICAJA

SA „TRANSFERA ZA RAZVOJ POLJOPRIVREDE“

ZA PROLJETNU SJETVU KUKURUZA, KROMPIRA I GRAHA ODNOSNO ZA KUPLJENI SJEMENSKI MATERIJAL I KUPLJENA MINERALNA GNOJIVA I SREDSTVA ZA ZAŠTITU BILJA U PERIODU OD 01.04.2020 DO 30.04.2020. GODINE

Zbog nastale situacije u društvu, uzrokovane donošenjem Odluke o proglašenju stanja nesreće uzrokovane pojavom koronavirusa na području Federacije BiH, Općina Zavidovići objavljuje Javni poziv za finansiranje kupovine repromaterijala za proljetnu sjetvu / sadnju tri poljoprivredne kulture: kukuruz, krompir i grah.

Pozivaju se svi poljoprivredni proizvođači i ostali zainteresovani građani sa područja općine Zavidovići koji planiraju zasijati kukuruz i grah ili zasaditi krompir ukoliko kupovinu sjemenskog materijala, mineralnih đubriva i sredstava za zaštitu istih kultura izvrše u jednoj od poljoprivrednih apoteka na području općine Zavidovići u periodu od 01.04.2020 godine do 30.04.2020 godine, da će Općina Zavidovići finansirati nabavku pomenutog sjemensog materijala, mineralnih đubriva i sredstava za zaštitu bilja.

Općina Zavidovići će u cijelosti finansirati kupovinu navedenog sjemenskog i drugog repromaterijala u obimu:

1. Sjetveni paket kukuruza krompira i graha, koji se sastoji od sjemenskog kukuruz za 3000 m<sup>2</sup> površine, (tri duluma) što predstavlja jednu sjetvenu jedinicu ili 1700 zrna, 150 kg mineralnog gnojiva formulacije NPK, 75 kg mineralnog gnojiva za prihranu, (KAN, UREA), i sredstva za zaštitu bilja potrebnih i kupljenih za uzgoj kukuruza na površini 3000 m<sup>2</sup> površine, kao i od 5 kg sjemenskog graha, 100 kg sjemenskog krompira, 50 kg mineralnog gnojiva formulacije NPK, 25 kg mineralnog gnojiva za prihranu i sredstva za zaštitu krompira i graha,

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, [www.zavidovici.ba](http://www.zavidovici.ba), [opcina.zavidovici@zavidovici.ba](mailto:opcina.zavidovici@zavidovici.ba), [opzdici@bih.net.ba](mailto:opzdici@bih.net.ba)

2. Sjetvenii paket krompira i graha, koji se sastoji od 5 kg sjemenskog graha, 100 kg sjemenskog krompira, 50 kg mineralnog gnojiva formulacije NPK, 25 kg mineralnog gnojiva za prihranu i sredstva za zaštitu navedenih kultura,

3. Sjetveni paket kukuruza, koji se sastoji od sjemenskog kukuruza za 3000 m<sup>2</sup> površine, (tri duluma) što predstavlja jednu sjetvenu jedinicu ili 1700 zrna, 150 kg mineralnog gnojiva formulacije NPK, 75 kg mineralnog gnojiva za prihranu, (KAN, UREA), i sredstva za zaštitu bilja potrebnih i kupljenih za uzgoj kukuruza na površini 3000 m<sup>2</sup> površine.

Finansirati će se kupovina repromaterijala samo jednog sjetvenog paketa u kompletu. Sjetveni paket može kupiti samo jedan član porodičnog poljoprivrednog gazdinstva, odnosno jedan član porodice.

Postupak ostvarivanja podsticaja se organizuje na slijedeći način:

- Poljoprivredni proizvođači za ostvarivanje podsticaja za sjetvu navedenih kultura nemaju potrebe nigdje ići osim u jednu od poljoprivrednih apoteka na području općine Zavidovići,
- U poljoprivrednim apotekama će moći preuzeti obrazac zahtjeva za ostvarivanje podsticaja koji trebaju uredno popuniti i ostaviti u istoj poljoprivrednoj apoteci,
- Kada se izvrši kupovina repromaterijala fiskalni račun koji se dobije sa otpremnicom i popunjenim zahtjevom ostavljaju se u istoj poljoprivrednoj apoteci,
- Općinski službenik će svaki naredni dan u jutarnjim satima preuzimati zahtjeve i fiskalne račune. U Općini Zavidovići zahtjevi će se obrađivati i po potrebi će se kontaktirati lica koja su kupila repromaterijale uz provjeru određenih podataka do isplate podsticaja,
- Isplate će se vršiti u roku od tri dana od momenta preuzimanja repromaterijala,

Sva lica koja preuzmu repromaterijal u skladu sa ovim javnim pozivom obavezna su da izvrše sjetvu i odmah nakon izvršene sjetve dužni su obavijestiti nadležnog službenika u Općini Zavidovići da su sjetvu odnosno sadnju izvršili.

Obavještavanje službenika o izvršenoj sjetvi vršće se na telefon broj: 032-206 733 svakim radnim danom od 8,00 do 12,00 sati.

Nakon sjetve odnosno sadnje predmetnih poljoprivrednih kultura općinski službenik će izvršiti provjeru zasijanih i zasađenih površina a protiv onih lica koja učine zloupotrebu sa repromaterijalima biti će poduzete određene zakonske mjere.

Sva lica koja su izvršila kupovinu repromaterijala prije 01.04.2020 godine moći će ostvariti općinske podsticaje po javnom pozivu koji će se naknadno objaviti i koji predstavlja redovne podsticaje u poljoprivredi koje dodjeljuje Općina Zavidovići.

OPĆINSKI NAČELNIK

mr.sci. Hašim Mujanović.

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, [www.zavidovici.ba](http://www.zavidovici.ba), [opcina.zavidovici@zavidovici.ba](mailto:opcina.zavidovici@zavidovici.ba), [opzdici@bih.net.ba](mailto:opzdici@bih.net.ba)

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, [www.zavidovici.ba](http://www.zavidovici.ba), [opcina.zavidovici@zavidovici.ba](mailto:opcina.zavidovici@zavidovici.ba), [opzdici@bih.net.ba](mailto:opzdici@bih.net.ba),

